

SCRIPT OF MORNING GOJRI NEWS BULLETIN 24OCT 1015 HRS

مارننگ گو جری نیوز بلیٹن مورخہ 24 اکتوبر 2025

یوہ آکا شوانی جموں بے محمد اکرم تیں خبر سُنو۔

PM ROZGAR

وزیر اعظم نریندر مودی 24 اچ روزگار میلہ گی 17 ویں ایڈیشن تیں عملی طور ور خطاب کریں گا اس تقریب گے دوران ملک بھر غا بکھ بکھ سرکاری محکماں تیں نواں بھرتی ہوا امیدوارا اپنی تقرری نامہ وصول کریں گا۔ اس سلسلہ ماتہ جموں ماتہ یاہ تقریب ریاسی ماتہ واقع شری ماتا ویشنو دیوی یونیورسٹی ککریال میٹرکا آڈی ٹوریم ہال ماتہ منعقد وے غی پارلیمانی تے اقلیتی امور غا مرکزی وزیر کرن رجیجو اس موقع ور مہمان خصوصی ویں غایوہ پروگرام نوجواناں ماتہ مواقع فراہم کرن بارے حکومت گی جاری روزگار غا اقدام غو حصو بے۔ پروگرام ماتہ حصو لین واسطے وزیر موصوف جموں ہوانی اڈہ ور پُچ گیا ہیں جت اُن گو گرم جوشی نال استقبال کیو گیو بے۔

RS POLLING

جموں کشمیر گی 4 راجیہ سبھا نشستطاں واسطے انتخابات اچ ہو رہیا ہیں واضع رہ جے یہ نشست فروری 2021 توں کھالی تھیں کیونجے 2014 توں 2024 توڑی جموں کشمیر قانون ساز اسمبلی گا چنناں نہیں ہوا تھا چنناں دوڑ ماتہ حصو لے رہیا امیدواراں ماتہ بھارتیہ جنتا پارٹی گا امیدوار غلام محمد میر راکیش مہاجن تے ست شرما ہیں جد کہ آتے نیشنل کانفرنس توں چودھری محمد رمضان سجاد کچلو شمنی اوبیرائے تے امران نبی ڈار چنناں میدان ماتہ بطور امیدوار حصو لے رہیا ہیں اس نال جموں کشمیر ضمنی انتخابات ماتہ حکمران جماعت نیشنل کانفرنس تے حزب اختلاف جماعت بھارتیہ جنتا پارٹی گے درمیان برائے راست مقابلو ہو رہیو بے ان 4 نشستاں گا چنناں واسطے چنناوی کمیشن نے پچھلے مہینے اعلان کیو تھو ووٹ پان تیں بعد اچ بعد دوپہر ووٹاں غی گنتی کی جے غی۔

NOMINATION WITHDRAWAL

جموں کشمیر ماتہ نگروٹہ تے بڈگام اسمبلی حلقاں ماتہ آئندہ ہون آلا ضمنی انتخابات واسطے دائر کاغذات نامزدگی واپس لین گی اچ اخیر تاریخ بے انتخابی حکام گے مطابق کاغذات نامزدگی گی جانچ پڑتال گو عمل مکمل ہو گیو بے کل 33 امیدواراں وچوں جن نے کاغذات نامزدگی دائر کیا تھا نگروٹہ وچوں 10 تے بڈگام وچوں 17 کاغذات نامزدگی درست پایہ گیا ہیں دواں حلقاں ماتہ ووٹ 11 نومبر ماتہ کلیا جیں غا جد کہ گنتی 14 نومبر ماتہ وے غی۔

COLOR CODED ZONES

جلی نال چارج ہو گے چلن آلا ترے ٹائیری رکشاں آتو تے گڈیاں واسطے زونل ضابطہ اخلاق جمعرات ماتہ جموں ضلع ماتہ نافز کیو گیو بے ٹریفک پولیس جموں گی طرفوں متعارف کرایا گیا نواں نظام گے مطابق یہ گڈی نامزد کلر کوڈ آلا زون ماتہ چلیں گی بر گڈی ماتہ کلستر کوڈ شناختی پلیٹ اگے تے پچھلے رنگ شدہ پٹی لانی ویں گی ان

گڈیاں نانہہ ایک دوجا زون مانہہ داخلہ ہون گی دوجا زون مانہہ داخل ہون گی اجازت نہیں وے گی تے مناسب کلر کوڈ گے بغیر گڈیاں نانہہ جرمانو گو سامنو کرنو وے گو اس حکم نامہ نال اس طرح گی گڈیاں واسطے فلائی اوور تے قومی شاہراہ ور آمدرفت ور پابندی عائد کردتی گئی ہیں۔

CS TB MUKT

چیف سیکرٹری اٹل ڈلو نے تپ دق مکت بھارت ابھیان گی پیش رفت گا جائیزولین تے تپ دق توں پاک جموں کشمیر گا نظر یہ نانہہ حاصل کرن واسطے محکمہ صحت تے طبی تعلیم گے ذریعے چایا گیا اقدامات گو جائیزولین واسطے ایک اعلیٰ سطحی میٹنگ گی صدارت کی موجودہ صورتحال گو جائیزولینا واں چیف سیکرٹری نے تپ دق گا مریضان گی جلد شناخت تے اُن گی مکمل صحت یابی نانہہ یقینی بنان واسطے جامع انتظام گی ضرورت ور زور دتو اُنہاں نے صحت گا پیشہ ور افراد نانہہ ہدایت کی کہ وے مریضان گی آخر تیں آکر تک نگرانی کریں اُن گی حوصلہ افزائی کریں کہ وے زاتی طور ور کُج معملان نانہہ اپنا ویں انفرازی طبی امداد مانہہ توسیع کریں تے مریضان گی پیش رفت نانہہ ٹریک کرن واسطے اُن نال باقاعدہ رابطو برقرار رکھیں۔

GOC VISIT

وائیٹ نائیٹ کور گا جنرل آفیسر کامنڈنگ لیفٹیننٹ جنرل پی کے مشرا نے ضلع ادھمپور مانہہ بسنت گڑھ غی پہاڑیاں گو دورو کیو تاکہ خطہ مانہہ حفاظتی صورتحال غو جائیزو لیو جاسکے اُن نے فوجیاں نال گل بات کی تے اُن گی لگن تے ڈیوٹی گا عزم ناہ سہرا یو جی اوسی گے ہ، راہ ڈیلٹا فوج گا جنرل آفیسر کامنڈنگ وی تھا اس دوران اُن نے حفاظتی موقف نانہہ برقرار رکھن جدید حکمت عملیاں نانہہ نافز کرن تے کاروائی کرن آلا طرز عمل مانہہ اعلیٰ پیشہ وارانہ نانہہ برقرار رکھن ور زور پایو اس دوران ایس ایس پی کٹھوعہ موہتا شرما نے وی پلاور رام کوٹ ننگالا تے مچھیڈی گا پہاڑی علاقان غو دورو کیو تاکہ حفاظتی صورتحال گی نگرانی لی جاسکے۔ تے حفاظتی نظام نانہہ مزید مضبوط کیو جاسکے۔

PM MKB

وزیر اعظم نریندر مو دی مُلک تے بیرون مُلک رہ رہیا بھارتی شہریاں سنگ آئندہ 26 اکتوبر نانہہ آکاش وانی ور من کی بات پروگرام مانہہ اپنا خیالات سانجہ کریں گایاہ ماہوار ریڈیو پروگرام غی 127 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علا وہ نریندر مو دی ایپ یاہ فر مائی گوو اوپن فورم ور وی اپنا خیالات تے تجویز روانہ کی جا سکیں یہ تجویز اس مہینہ غی 24 تاریخ توڑی ہی قابل قبول ویں گی۔
